

107 年全國語文競賽客家語朗讀文章國小學生組（四縣腔）

編號 06 號

【擲牙齒】 陳美燕原作

頭擺個時代，生活環境無現下恁好，衛生教育還唔普遍，大家對保護牙齒個觀念也無恁詳細。像佢，就朝晨頭跣床搓一擺牙齒定，嘴又豺<sup>1</sup>，當好食糖仔；故所，佢對自家做細人仔個時節，輒輒牙齒痛個印象當深。

牙齒一痛啊起來，會收人個命哩！細人仔噉到噉殺天<sup>2</sup>，大人無結無煞。該央時無麼個止痛藥，阿姆喊佢：「冷水含等！毋好緊噉！」講越噉會越痛。背尾，換牙齒該下，阿姆吩咐佢：試著舊牙有一滴仔搖，就愛用舌嫵緊□<sup>3</sup>，續等，兩支手指拈等牙齒搖分佢敲，做毋得羊噉<sup>4</sup>驚痛。若係毋煞猛牯搖，等新牙暴出來無位仔好企個時節，「歸口牙齒生到歪哥泊杈<sup>5</sup>，該就媿哩啲！」阿姆逐擺恁樣嚇佢。

細門牙旁脣該兩支「虎牙」也盡重要，阿姆講無較細義兜仔，暴出尖尖翹翹個「豬哥牙」來，該就壞蹄地哪！成時，佢看佢懈懈

怠怠<sup>6</sup>、無要無緊樣仔，將就拿一條白車線，摺吾牙齒綯纏纏，出力一掙<sup>7</sup>，牙齒就跣等白線飛出來咧。上齧<sup>8</sup>擲著個牙齒，腳愛企比比<sup>9</sup>擲去眠床下；下齧擲著個愛擲上屋頂，講恁樣牙齒生著正會齊。

記得佢有一支後角個大牙，係分做「撮把戲」個人擲忒個。該央時，佢讀小學兩年生，有戲班仔來莊頭做戲兼賣藥仔。佢兜賣一種止痛藥水，講牙齒痛個時節點落去做得止痛，牙齒擲忒了後來點，較遽收口止血。佢問現場個細人仔：「有麼儕個牙齒敲敲無？佢摺佢擲毋使錢呢！」佢緊講緊行到吾面前。奇怪哩，佢就無講愛分佢擲啊！佢嘎喊佢嘴擘擘打開開，擎一支鋏仔，手腳伶俐就摺吾牙齒擲忒咧。背尾佢想，定著係企在後背個阿姆偷偷摺佢講個。

到較大來，了解牙齒個重要性，曉得細心細意注意牙齒個健康。當愛靚個佢逐擺看著自家個牙齒生到齊齊無歪忒，正知愛感謝阿姆該央時恁有耐心教佢。

<sup>1</sup> 豺：音 saiˋ；嘴饞、貪吃的樣子。

<sup>2</sup> 噉殺天：音 veˋ vongˋ sadˋ tienˋ；高聲呼叫。

<sup>3</sup> □：音 teˋ；用舌頭往外推。

<sup>4</sup> 羊噉：音 iongˋ veˋ；嬌慣，動輒大叫。

<sup>5</sup> 歪哥泊杈：音 vaiˋ goˋ qi ca；歪斜不正。

<sup>6</sup> 懈懈怠怠：音 hai hai tai tai；懶散不勤勞。

<sup>7</sup> 掙：音 duiˋ；用力拉特定對象，使其脫離原本所在的位置。

<sup>8</sup> 上齧：音 song ngamˋ；上顎。

<sup>9</sup> 企比比：音 kiˋ beˋ beˋ；站齊。